



REPUBLIKA E SHQIPËRISË
MINISTRIA E BRENDSHME
AGJENCIA E MBIKËQYRJES POLICORE

Nr. _____ Prot.

Tiranë më, 29/02/2024

V E N D I M

Nr. 17, datë 29/02/2024

Trupa e Vlerësimit pranë Agjencisë së Mbikëqyrjes Policore, e përbërë nga:

Klevis Dhigoi	Relator
Ersa Karaj	Kryesuese
Erjana Pjetri	Anëtare

më datë 29.02.2024, ora 10:00, në ambientet e Agjencisë së Mbikëqyrjes Policore, mori në shqyrtim mbi bazë dokumentesh, çështjen që i përket:

SUBJEKTI I VLERËSIMIT:

Z. Afrim Azis Tafa, me funksion aktual Asistent, në departamentin për Teknologjinë e Informacionit, pranë Drejtorisë së Përgjithshme të Policisë së Shtetit.

OBJEKTI:

Vlerësimi kalimtar i subjektit të vlerësimit.

BAZA LIGJORE:

Ligji nr. 12/2018 “Për Vlerësimin Kalimtar dhe Periodik të Punonjësve të Policisë së Shtetit, Gardës së Republikës, Shërbimit për Çështjet e Brendshme dhe Ankesat në Ministrinë e Brendshme”, i ndryshuar, (këtu e në vijim Ligji nr. 12/2018, i ndryshuar).

Ligji nr. 44/2015 “Kodi i Procedurave Administrative të Republikës së Shqipërisë”.

Ligji nr. 49/2012 “Për Organizimin dhe Funkionimin e Gjykatave Administrative dhe Gjykimin e Mosmarrëveshjeve Administrative”, i ndryshuar.

TRUPA E VLERËSIMIT TË AGJENCISË SË MBIKËQYRJES POLICORE,

pasi dëgjoji dhe vlerësoi shpjegimet dhe argumentimin ligjor të relatorit të çështjes, z. Klevis Dhigoi, pasi shqyrtoi dhe analizoi çështjen në tërësi, bazuar në Ligjin nr. 12/2018, i ndryshuar,

V Ë R E N:

I. RRETHANAT E ÇËSHTJES

1. Agjencia e Mbikëqyrjes Policore është institucioni që kryen procesin e vlerësimit kalimtar të punonjësve të Policisë së Shtetit, Gardës së Republikës dhe Agjencisë së Mbikëqyrjes Policore, bazuar në Ligjin nr. 12/2018, i ndryshuar.
2. Në zbatim të nenit 6, të Ligjit nr. 12/2018, i ndryshuar, Agjencia e Mbikëqyrjes Policore vlerëson punonjësit në pozicionet e mëposhtme:
 - a) *Drejtor dhe Zëvendësdrejtor i Përgjithshëm, Drejtor Departamenti, Drejtor i Drejtorisë Qendrore, Drejtor në strukturat e veçanta, Drejtor e Zëvendësdrejtor vendor, Drejtor në Drejtoritë e Kufirit dhe Migracionit, Shef Komisariati, Shef Sektori në nivel qendror e vendor, që mbulon fushën e krimit të organizuar, krimit ekonomik/financiar dhe policisë rrugore në Policinë e Shtetit;*
 - b) *Drejtor dhe Zëvendësdrejtor i Përgjithshëm, Drejtor Drejtorie dhe Shef Njësie në Gardën e Republikës;*
 - c) *Drejtor dhe Zëvendësdrejtor i Përgjithshëm, Drejtor Drejtorie, Shef Sektori në nivel qendror dhe vendor në Agjencinë e Mbikëqyrjes Policore;*
 - d) *Punonjësit që do të emërohen në strukturën e vlerësimit kalimtar/periodik në Agjencinë e Mbikëqyrjes Policore;*
 - e) *Çdo punonjës që emërohet në pozicionet e përcaktuara në shkronjat “a”, “b”, “c” dhe “d”.*
3. Sipas përcaktimeve të nenit 6, të Ligjit nr. 12/2018, i ndryshuar, z. Afrim Azis Tafa, ka qenë subjekt i vlerësimit kalimtar nga Trupat e Vlerësimit të Agjencisë së Mbikëqyrjes Policore, për shkak të funksionit të tij si Zëvendësdrejtor për Sigurinë dhe Policimin në Komunitet në Drejtorinë Vendore të Policisë Shkodër.
4. Subjekti i vlerësimit, z. Afrim Tafa, i'u nënshtrua procedurave të vlerësimit, duke u shortuar në shortin e zhvilluar në datën 05.04.2023, nga Trupat e Vlerësimit, në përputhje me Udhëzimin e Ministrit të Brendshëm nr. 07, datë 17.01.2023 “*Për procedurat e hedhjes së shortit*”. Sipas shortit të zhvilluar, Trupa e Vlerësimit përbëhet nga z. Klevis Dhigoi (Relator), znj. Ersa Karaj (Kryesuese) dhe znj. Erjana Pjetri (Anëtare).
5. Subjekti i vlerësimit, z. Afrim Tafa, ka dorëzuar deklaratën e pasurisë, deklaratën e kontrollit të figurës dhe formularin e vlerësimit të aftësive profesionale, sipas përcaktimeve të nenit 32, pika 2, nenit 36, pika 1, dhe nenit 44, pika 1, të Ligjit nr.12/2018, i ndryshuar, të cilat janë marrë në dorëzim nga relatori i çështjes.

6. Në zbatim të legjislacionit në fuqi mbi parandalimin e konfliktit të interesit, me Vendimin nr. 1, datë 24.07.2023, u deklarua mospasja e konfliktit të interesit nga anëtarët e Trupës së Vlerësimit sipas nenit 27, pika 1, të Ligjit nr.12/2018, i ndryshuar dhe neneve 30 dhe 31, të Kodit të Procedurave Administrative.
7. Trupa e Vlerësimit në përputhje me Ligjin nr.12/2018, i ndryshuar, si edhe në bazë të Rregullores nr. 197, datë 23.02.2023 “Për hapat procedural të unifikuar”, me Vendimin nr. 2, datë 24.07.2023, vendosi fillimin e hetimit kryesisht për subjektin e vlerësimit z. Afrim Tafa.
8. Relatori i çështjes, nëpërmjet komunikimit elektronik zyrtar më datë 26.07.2023, njoftoi subjektin e vlerësimit për fillimin e procesit të vlerësimit kalimtar, duke i bërë me dije përbërjen e Trupës së Vlerësimit dhe duke i kërkuar subjektit të vlerësimit të deklarojë nëse është në kushtet e konfliktit të interesit me anëtarët e Trupës së Vlerësimit.
9. Subjekti i vlerësimit ka dorëzuar deklaratën për konfliktin e interesit në Agjencinë e Mbikëqyrjes Policore në datën 28.07.2023, duke u shprehur se nuk është në kushtet e konfliktit të interesit me asnjë nga anëtarët e Trupës së Vlerësimit.
10. Relatori i çështjes në përmbushje të detyrimeve ligjore të përcaktuara në pikën 3, të nenit 25, të Ligjit nr. 12/2018, i ndryshuar dhe sipas:
 - nenit 7, pika 1, të Rregullores nr. 197, datë 23.02.2023 “Për hapat proceduralë të unifikuar”, nenit 4 të Marrëveshjes së Bashkëpunimit ndërmjet Agjencisë së Mbikëqyrjes Policore dhe Inspektoratit të Lartë të Deklarimit dhe Kontrollit të Pasurisë dhe Konfliktit të Interesit (këtu e në vijim ILDKPKI), ka dërguar me shkresën nr.*** prot., datë 25.07.2023, pranë ILDKPKI-së, formularin e deklarimit të pasurisë për vlerësimin kalimtar të dorëzuar nga subjekti i vlerësimit.
 - nenit 7, pika 4, të Rregullores nr. 197, datë 23.02.2023 “Për hapat proceduralë të unifikuar”, ka dërguar me shkresën nr.*** prot., datë 25.07.2023, pranë Agjencisë së Mbikëqyrjes Policore, deklaratën e kontrollit të figurës për vlerësimin kalimtar të dorëzuar nga subjekti i vlerësimit.
 - nenit 7, pika 7, të Rregullores nr. 197, datë 23.02.2023 “Për hapat proceduralë të unifikuar”, ka dërguar me shkresën nr.*** prot., datë 25.07.2023, pranë Drejtorisë së Përgjithshme të Policisë së Shtetit, formularin e aftësive profesionale për vlerësimin kalimtar të dorëzuar nga subjekti i vlerësimit.
11. Drejtoria e Analizës dhe Sigurisë së Personelit pranë Agjencisë së Mbikëqyrjes Policore, me shkresë nr. ***, prot., datë 22.12.2023, dërgoi raportin e kontrollit të figurës për subjektin e vlerësimit z. Afrim Tafa, në përputhje me nenin 42, të Ligjit nr. 12/2018, i ndryshuar.
12. Drejtoria e Përgjithshme e Policisë së Shtetit, me shkresë nr. ***, prot., datë 01.09.2023, dërgoi raportin e hollësishëm dhe të arsyetuar për subjektin e vlerësimit z. Afrim Tafa, në përputhje me nenin 46, të Ligjit nr. 12/2018, i ndryshuar.
13. Drejtoria e Përgjithshme e Policisë së Shtetit, me shkresë nr. ***, prot., datë 08.02.2024, ka njoftuar Agjencinë e Mbikëqyrjes Policore, se subjekti i vlerësimit z. Afrim Tafa, është

transferuar dhe emëruar në detyrë me Urdhër nr. ***, datë 05.02.2024, të Drejtorit të Përgjithshëm të Policisë së Shtetit, me motivacionin “Për nevoja pune”.

14. Drejtoria e Përgjithshme e Policisë së Shtetit, ka vënë në dispozicion të Trupës së Vlerësimit, dokumentacionin si më poshtë:

- Urdhër nr. ***, datë 05.02.2024, “Për transferimin dhe emërimin në detyrë të një punonjësi policie”, me anë të të cilit z. Afrim Tafa, është transferuar dhe emëruar në detyrën, Asistent, në departamentin për Teknologjinë e Informacionit, në Drejtorinë e Përgjithshme të Policisë së Shtetit.

15. Trupa e Vlerësimit, me shkresën nr. *** Prot., datë 08.02.2024, është vënë në dijeni të urdhërit “Për transferimin dhe emërimin në detyrë të një punonjësi policie”, që subjekti i vlerësimit z. Afrim Tafa, ushtronte pranë Drejtorisë Vendore të Policisë Shkodër, duke u emëruar në një pozicion që nuk parashikohet në nenin 6, të Ligjit nr.12/2018, i ndryshuar, në kushtet kur nuk kishte marrë vendim përfundimtar për përfundimin e hetimit administrativ.

16. Relatori i çështjes, me shkresën nr. *** Prot., datë 12.02.2024, në zbatim të Ligjin nr.12/2018, i ndryshuar, si edhe në bazë të Rregullores nr. 197, datë 23.02.2023 “Për hapat procedural të unifikuar”, njoftoi ILDKPKI-në, për ndërprerjen e procesit të vlerësimit për subjektin z. Afrim Tafa.

17. ILDKPKI, me shkresë nr. ***, prot., datë 26.02.2024, dërgoi dokumentacionin e dorëzuar nga subjekti i vlerësimit z. Afrim Tafa, si dhe materialet e administruara nga korrespondenca me institucionet e specializuara pa një raport përfundimtar.

II. ARSYETIMI LIGJOR I TRUPËS SË VLERËSIMIT

18. Trupa e Vlerësimit, pasi u njoh me rrethanat e çështjes, administroi dokumentacionin si vijon:

- Urdhër nr. ***, datë 05.02.2024, të Drejtorit të Përgjithshëm të Policisë së Shtetit.

19. Nga verifikimi i akteve në terësi, Trupa e Vlerësimit konstaton se, ndodhemi në kushtet e transferimit dhe emërimit në detyrë të subjektit të vlerësimit, **nga funksioni** si Zëvendësrektor për Sigurinë Publike, në Drejtorinë Vendore të Policisë Shkodër, **në funksionin aktual** si Asistent, në departamentin për Teknologjinë e Informacionit, në Drejtorinë e Përgjithshme të Policisë së Shtetit, me Urdhër nr. ***, datë 05.02.2024, të Drejtorit të Përgjithshëm të Policisë së Shtetit.

20. Për këtë arsye z. Afrim Tafa:

- *Nuk është subjekt i vlerësimit kalimtar, për shkak të pozicionit të tij të punës jashtë fushës së ushtrimit të veprimtarisë së institucionit të vlerësimit kalimtar (Agjencisë së Mbikëqyrjes Policore), pozicion që nuk përcaktohet në pikën 1, të nenit 6, të Ligjit nr. 12/2018, i ndryshuar.*

21. Në këto kushte, Trupa e Vlerësimit, në zbatim të nenit 95, të Kodit të Procedurave Administrative të Republikës së Shqipërisë, deklarohet të përfunduar çështjen e hetimit administrativ të nisur ndaj subjektit të vlerësimit, pa një vendim përfundimtar për shkak se interesi, qëllimi dhe objekti për të cilin ka nisur procedura, janë bërë ligjërish të pamundur.

PËR KËTO ARSYE:

Trupa e Vlerësimit pranë Agjencisë së Mbikëqyrjes Policore, mbështetur në Ligjin nr. 12/2018, i ndryshuar, si dhe në nenin 95, të Kodit të Procedurave Administrative të Republikës së Shqipërisë;

V E N D O S I:

1. Ndërprejjen e procesit të vlerësimit kalimtar të subjektit të vlerësimit **Z. Afrim Azis Tafa**, me funksion aktual Asistent, në departamentin për Teknologjinë e Informacionit, në Drejtorinë e Përgjithshme të Policisë së Shtetit, pa një vendim përfundimtar.
2. Vendimi i arsyetuar me shkrim u njoftohet z. Afrim Tafa, si edhe Drejtorisë së Përgjithshme të Policisë së Shtetit, brenda 15 ditëve nga dita e nesërme e shpalljes së vendimit.
3. Ky vendim publikohet në faqen zyrtare të Agjencisë së Mbikëqyrjes Policore, në përputhje me pikën 8, të nenit 56, të Ligjit nr. 12/2018, i ndryshuar.
4. Kundër këtij vendimi lejohet ankimi brenda 45 ditëve nga data e njoftimit, në Gjykatën Administrative të Shkallës së Parë, Tiranë.

Ky vendim u shpall sot më datë 29.02.2024, në Tiranë.

TRUPA E VLERËSIMIT

Ersa KARAJ

Kryesues

Klevis DHIGOI

Relatore

Erjana PJETRI

Anëtare